

AOSTE

De iaou veun-ti lo non Vatican ?

Deun lo vioù ten, lo Vatican l'ïye lo non d'eun tsanti de Roma, di djé dret di *Tevere*, fran eun fase di Tsan de Mars é a drèite di *Gianicolo*.

Eun cou l'ïye an litse maasan-a é umida ; to vâco, maque boun pe alé eun tsan.

Tchica de ten aprì, *Agrippina* l'a fé fére de dzen dzardeun de sise croué vâco ba i pià de la couta.

Todzor lé, a l'entor di Vatican, l'ampereur Nérón l'a fé fére eun petchou sirque privó ; lé dedeun son itó tchoué le premi martire crétchèn : euncó l'apotre Pière que l'è itó eunerró fran lé.

Dèi adón, si tsanti l'è vin-ì eun semeteurio, tan pe le payèn que pe le crétchèn, tanque i ten de l'ampereur Costanteun que, deun le-z-àn que van di 326 i 333 aprì Jezù Cri, l'a baillà odre de fére eumplan-ì lo sondzón de la crita pe lèi fére bâti la premiye baze-leucca dédiaye a Sen Pière.

L'è maque dèi l'an 1870 que lo Vatican l'è la rézidanse di Sen Pére. I Moyèn Adzo llu restave deun lo Palé di Latràn é pi tar s'è tramó deun d'atre eumpourtante bâtize de Roma, comme lo *Quirinale*, que i dzor de oueu l'è la rézidanse di prézidàn de la repeleucca italiéna.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

www.focus.it, juin 2002

Texte publié en 2008 dans « Aosta Infoma », commune de Aoste

Collaborateur de Aoste pour la traduction : **Iris Morandi**

La transcription a été soignée par le Guichet Linguistique

Mise à jour de la graphie : octobre 2013